



Sezzüda annuala d'infuormaziun e d'orientaziun cun la Corporaziun da vaschins

La suprastanza cumünala ha invidà a la suprastanza da la Corporaziun da vaschins sco eir als commembers da la direcziun operativa a la sezzüda d'infuormaziun annuala. I s'ha orientà vicendaivelmaing e barattà infuormaziuns sur da differents progets e temas chi sun importants eir pels vaschins.

Zernez Energia 2020 – dumondas da sustegn

Our dal fondo Zernez Energia 2020 vegnan concessas regularmaing contribuziuns a proprietaris illa fracziun da Zernez per sanaziuns energeticas d'abitaculs. Trais dumondas da sustegn sun gnüdas sancziunadas.

Ruzön III a Zernez – vendita da duos parcelas da fabrica

La suprastanza ha decis da vender las duos parcelas da fabrica no. 1253 e 1254 da la seguonda etappa da Ruzön III a Zernez ad üna famiglia indigena ed ad üna duonna nubila.

Analisa da management da ris-ch pel Cumün da Zernez

Il Cumün da Zernez es in dovair tenor directivas dals uffizis chantunals dad instradar ed inviar ün'analisa da management da ris-ch. Quista analisa es üna dumonda da princip e sto gnir surdatta ad ün büro extern. La suprastanza ha deliberà il credit necessari per laschar far l'analisa e per stabilir üna ledscha ed ün'ordinaziun per la protecziun da la populaziun.

Taxas cumünalas 2018 - recuors

La suprastanza ha trattà e decis sur da quatter recuors cunter las taxas cumünalas 2018.

Cumischiun (ad hoc) da fabrica sanaziun/ingrondimaint chasa da scoula Zernez

Per pudair proseguir culla lavur da detagl dal proget da la sanaziun e da l'ingrondimaint da la chasa da scoula a Zernez es gnüda s-chaffida üna nouva cumischiun da fabrica ad hoc. La suprastanza cumünala ha elet a las seguaintas persunas cul dret da vuschar: Jon Candrian, mainascoula; Jachen Gaudenz, votant; Flurin Lehner, manader da finanzas; Corsin Rauch, votant; Roland Rodigari, administradur d'immobiglias; e sainza dret da vuschar a Romano Brasser, architect. Il/La suprantant/a pel dicasteri scoula ed educaziun chi surpiglia il presidi da la cumischiun nun es amo cuntschaint/a. La persuna chi surpiglia la direcziun da fabrica nun es amo eletta.

Survista dals progets e da las pendenzas

La suprastanza cumünala ha discus sur da tuot ils progets e las pendenzas da mincha suprantanta e mincha suprantant. Uschè es la suprastanza orientada sur dals progets chi sun actualmaing in trais-cha.